



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1508. usque ad annum 1513

**Fleury, Claude**

**August. Vind. [u.a.], 1769**

**VD18 90118456**

§. 77. Liviani victoriæ in Mediolanensi statu.

---

[urn:nbn:de:hbz:466:1-66433](https://nbn-resolving.org/urn:nbn:de:hbz:466:1-66433)

tio hanc in rem Segusium misso, quo <sup>Sæcul. XVI.</sup> accepto Livianus mox inde profectus, <sup>A. C. 1513.</sup> eadem, qua prius Petilianus valebat, auctoritate Reipublicæ exercitum ducens, suis copiis Mincium trajicere præcipiebat, tam prospero consilii successu, ut Vallegium, & Piscaria, quæ erant urbes Germanorum præfidiis munitæ, missis ad eum civibus ultro deditionem facerent, quamvis illas obsidere minime pararet.

§. LXXVII.

*Liviani victoriæ in Mediolanensi statu.*

Ceterum Livianus copias suas Trimolio quantocius jungere decreverat, unitis Gallorum, ac Venetorum viribus neminem resistendo parem fore persuasus. Rustici quoque Brixiani sumptis armis, electoque inter suos Duce Brixie urbis foribus agmina sua admovent, civibusque, ut præsidium a Cardonna impostum trucidarent, opem ferunt, Liviano nunciantes, protinus accurreret arcem obsessurus, qui tamen nonnisi tria armatorum millia Brixiam submisit, consultius existimans, quod residua exercitus sui parte recta Cremonam peteret, quamvis ejus consilium minime Venetorum Provifori probaretur, nec ipse de itineris sui ratione Rempublicam certiozem fecisset. Ergo Cremonam contendit, a civibus

Sæcul. XVI.  
A.C. 1513.

bus sollicitatus, qui in Ludovici Regis obsequium redire festinabant: Urbem igitur ingreditur, arcemque annona, bellicque apparatu instruit, demum vero Laudum, Soncinum & Papiam progreditur, cunctasque has urbes Gallorum studiis devovet. Jamjam Padum trajicere parat, cum ejus copias, quas Brixiam miserat, a Rocandolpho Cæsaris Duce fusas fugatasque fuisse, nunciatur: Nec tamen hoc nuncio a suscepto deterritus consilio, Trimollio suas copias jungere censuit, spe fretus, sibi parem cum illo recuperati Ducatus Mediolanensis gloriæ partem reservatum iri.

§. LXXVIII.

*Genua Seditiois ope Gallis reddita.*

*Marian. lib.*  
*30. n. 87.*

Hæc cum gererentur, Gallica novem trirremium, aliarumque quarundam navium classis, Preiano Duce, Genuam appulsa est, Seditiosis opem latura, nam diuturna Flischos inter & Fregosios ferebant dissidia, ac Fregosii, Flischis graviter oppressis, abs dubio sua felicitate tuto potiti fuissent, si vindictæ suæ libidinem suppressere didicissent. Verum eorum ferocitati opportuna nimis sese offerebat ulciscendi occasio, quippe Fregosii Ducis fratres cujusdam Sicarii ministerio Hieronymum Flischum trucidabant,  
qua